

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), Procedura za odabir korisnika pomoći Projekat hitnog oporavka od poplava – zajam Svjetske banke, broj: 01-49-970-145-1/14 od 30.12.2014. godine i Odluke broj: 04-36-1-80/15 od 16.01.2015. godine, u cilju transparentne implementacije Projekta hitnog oporavka od poplava, Federalno ministarstvo raseljenih osoba i izbjeglica **o b j a v l j u j e**

JAVNI POZIV

za podnošenje prijava za dodjelu pomoći fizičkim licima čiji su stambeni objekti oštećeni usljed elementarnih nepogoda u 2014. godini na području gradova: Bijeljina, Doboj, Prijedor, Tuzla i Zenica, i općina/opština: Bratunac, Čelinac, Doboj Istok, Doboj Jug, Gračanica, Kalesija, Kotor Varoš, Lukavac, Kakanj, Maglaj, Milići, Olovo, Sanski Most, Sapna, Šamac, Vukosavlje, Zvornik, Zavidovići, Žepče i Živinice

I

VRSTA POMOĆI

Pomoć u okviru Projekta hitnog oporavka od poplava vrši se dodjelom građevinskog materijala za ugradnju za stambene jedinice manjeg ili većeg stepena oštećenja.

Sredstva će se osigurati kroz zajam Svjetske Banke u iznosu od 6,0 mil KM.

II

PODNOŠIOCI PRIJAVA

Prijavu na javni poziv mogu podnijeti fizička lica koja spadaju u jednu od sljedećih kategorija:

- a. Lica, odnosno njihova domaćinstva iz reda povratničke ili raseljeničke populacije u skladu sa Zakonom o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine („Službene novine Federacije BiH“ broj: 15/05), a koja su pogođena prirodnom nesrećom usljed poplave ili klizišta;
- b. Lica, odnosno njihova domaćinstva iz reda interno raseljenih lica, u skladu sa Vodećim principima internog raseljenja donesenih od strane Generalnog sekretara UN -a na zahtjev Generalne skupštine UN -a i Komisije UN -a za ljudska prava, a vezi s Aneksom I Ustava Bosne i Hercegovine, kojim se interno raseljenim licima smatraju lica ili grupe lica koja su bila prisiljena ili prinuđena da napuste svoje domove ili mjesta uobičajenog boravka, naročito kako bi izbjegle posljedice oružanog sukoba, situacije sveopćeg nasilja, kršenja ljudskih prava ili prirodne ili ljudske nepogode, a koja nisu prešla međunarodno priznatu državnu granicu, a koja su pogođena prirodnom nesrećom usljed poplave ili klizišta, uključujući:

- c. Lica raseljena usljed elementarne nepogode i trenutno se nalaze u privremenom (kolektivnom) smještaju;
- d. Lica raseljena usljed elementarne nepogode i trenutno su smještena u zakupljenoj stambenoj jedinici ili kod rodbine ili prijatelja;
- e. Lica raseljena usljed elementarne nepogode i trenutno su smještena u improvizovanom smještaju (pomoćni objekat, šator, baraka i sl.);
- f. Lica koja su se vratila u oštećenu stambenu jedinicu koja ne ispunjava minimum propisanih standarda.

III

OPĆI I POSEBNI KRITERIJI ZA DODJELU POMOĆI

I OPĆI KRITERIJI

1. Stambena jedinica je oštećena/uništena usljed posljedica elementarne nepogode i nije uvjetna za stanovanje u skladu sa propisanim stambenim standima;
2. Fizičko lice je na dan 15.05.2014.godine živjelo u stambenoj jedinici koja je predmet obnove;
3. Fizičko lice je vlasnik ili posjednik stambene jedinice koja je predmet obnove.

Opći kriteriji su eliminatorni i obavezujući za sve podnosiocce prijava na Javni poziv.

Dokumenti kojima se dokazuje ispunjavanje općih kriterija:

1. Dokaz o procjeni oštećenja stambene jedinice (nalaz stručne općinske komisije);
2. CIPS - ova prijava prebivališta;
3. Zemljišno – knjižni izvadak, odnosno posjedovni list, ne stariji od 6 (šest) mjeseci.

II POSEBNI KRITERIJI

1. Lica koja pripadaju skupini ugroženih osoba u stanju socijalne potrebe - korisnici prava na stalnu novčanu pomoć;
2. Lica koja pripadaju ostalim skupinama socijalno ugroženih osoba;
3. Procent potrebne intervencije na stambenoj jedinici odgovara raspoloživom planu i sredstvima konkretnog projekta.

Dokumenti kojima se dokazuje ispunjavanje posebnih kriterija:

- a) socijalna kategorija svoj status dokazuje relevantnim dokazima i to: posljednji ček od penzije, dokaz da se radi o korisniku socijalnih davanja od nadležnog centra

- za socijalni rad ili nadležne općinske službe za socijalnu i dječiju zaštitu, dokaz da se radi o civilnoj žrtvi rata i da ostvaruje/ne ostvaruje prihod po tom osnovu;
- b) status lica sa invaliditetom dokazuje se rješenjem koje se pribavlja od strane nadležnog organa (ratni vojni invalid, lica sa urođenim ili stečenim invaliditetom i sl.), kod kojeg se vodi službena evidencija;
 - c) status samohranog roditelja, staratelja ili hranitelja dokazuje se relevantnim dokazom koji se pribavlja od strane nadležnog centra za socijalni rad ili općinskog organa uprave, nadležnog za poslove socijalne i dječije zaštite kod kojeg se vodi službena evidencija;
 - d) status šehidske porodice / porodice poginulih boraca dokazuje se potvrdom koja se pribavlja od strane nadležnog organa kod kojeg se vodi službena evidencija;
 - e) status porodice nestale/ih osobe/a dokazuje se potvrdom koja se pribavlja od strane nadležnog organa kod kojeg se vodi službena evidencija;
 - f) status bivšeg logoraša dokazuje se potvrdom koja se pribavlja od strane nadležnog organa kod kojeg se vodi službena evidencija;
 - g) lice koje je smješteno u alternativni ili kolektivni oblik smještaja nakon elementarne nepogode, boravak dokazuje potvrdom nadležnog organa na čijoj teritoriji se nalazi kolektivni ili alternativni oblik smještaja u kojem lice privremeno boravi.

Ispunjavanje posebnih kriterija služi Komisiji za odabir korisnika kao osnova za formiranje rang liste korisnika, poštujući načela transparentnosti i jednakopravnosti pristupu pomoći za rekonstrukciju. Posebni kriteriji nisu eliminatorni i obavezujući za podnosiocima prijave na Javni poziv.

Podnosioca prijava dostavljaju ovjerenu kućnu listu i ovjerenu kopiju lične karte za sve punoljetne članove porodice.

IV

NAČIN ODABIRA KORISNIKA POMOĆI

Odabir korisnika pomoći će vršiti imenovane komisije u sastavu predstavnika Federalnog ministarstva raseljenih osoba i izbjeglica i lokalnih zajednica. Komisije će razmatrati prijave u skladu sa Procedurama za odabir korisnika pomoći Projekat hitnog oporavka od poplava – zajam Svjetske banke, broj: 01-49-970-145-1/14 od 30.12.2014. godine.

V

NAČIN PODNOŠENJA PRIJAVE I DOKAZA O ISPUNJAVANJU KRITERIJA

Podnošenje prijava se vrši lično ili preporučenom poštom (zapečaćena neprovidna koverta) na protokol grada/općina/opština ili protokol Federalnog ministarstva raseljenih osoba i izbjeglica (ul. Alipašina br. 41, 71 000 Sarajevo), svakim radnim danom od 8:00 sati do 16:00 sati, sa naznakom:

„Za javni poziv za dodjelu pomoći – dodjela građevinskog materijala (Projekat hitnog oporavka od poplava – Zajam Svjetske banke)“.

Prijave će biti dostupne na šalterima lokalnih zajednica, u prostorijama Federalnog

ministarstva raseljenih osoba i izbjeglica, (Ul. Vilsonovo šetalište 10, 71 000 Sarajevo) i na web stranici www.fmroi.gov.ba i web stranicama lokalnih zajednica, gdje će biti objavljen i tekst Javnog poziva.

Javni poziv ostaje otvoren od 19.01.2015. do 02.02.2015. godine.

Neblagovremene i nepotpune prijave neće biti uzete u razmatranje.

Broj: 04-36-1-80-1/15
Sarajevo, 16.01.2015. godine



MINISTAR

mr. Adil Osmanović